

forlasante la apartajn detalojn : al multaj ordinare ŝajnas, ke, se ili ne aprobas tiun aŭ alian formon de la ideo, ili nepre devas alaki la ideon mem en~e Z ; multaj faris kontraŭparolojn kontraŭ la ideo de lingvo internacia en~e, k de lingvo arla speciale Z ; lia morto estis granda bato por nia afero en~e k speciale por ĝia disvastiĝado en Germanujo Z ; en~e mi konsilas pli uzadi formojn simplajn anstataŭ kunmetilaj Z ; li ne dubas pri la utileco de lingvo internacia en~e Z ; la

falo de Volapük alportis grandan malutilon al nia ideo en~e Z ; paroli pri ŝanĝoj en~e B. 2 Konklude ; resume ; ĉion konsiderante k interkompensante : povas esti demando pri la tempo, sed neniu dubas, ke liu ĉi fakto en~e iam venos Z ; liu ĉi ideo en~e en la publiko ne estas hejme, kiel ĝi devas esti Z. 3 (Ev.) Sume ; ĉiom ; ĉion kalkulante : mi havas en~e nur 25 rublojn Z ; en~e la nombro de la delegitoj estis 33 ; en~e la vivo estas nemullekosta en tiu lando.

## U

\* UJ. 1° Sufikso signifanta : 1 Objekton, kiu entenas tute en si pli malpli grandan kvanton da aliaj objektoj de difinita speco montritaj per la radikoj : suker~o (vazo en kiu oni metas sukerpecojn) ; cigar~o (skatoletto, en kiu oni tenas cigarojn) ; pipr~o, sal~o, sup~o, len~o Z, link~o Z, lav~o Z, pisl~o Z, konserv~o Z, paper~o, mon~o, abel~o ; la patro donacis al mi kolekt~on, k li mem jeltis en ĝin la unuan moneron Z. Kp INGO, EJO. 2 Vegetaĵon, kiu donas la fruktojn montritajn per la radikoj : pir~o, pom~o ; ne ĉia frukt~o estas arbo Z. Rim. : Kiel oni vidas per tiu lasta ekzemplo, povas okazi konfuzo inter la sencoj 1 k 2 de tiu sufikso, kiun oni anstataŭigas en tia okazo per sinonimoj : kafkruĉo, karfarbo ; lekruĉo, leskalolo, learbeto ; fruklokonservujo, fruktlarbo. 3 Landon, loĝatan de la popolo montrita per la radikoj : Franc~o, Angl~o, German~o, Esperant~o Z ; ne ĉiu Rus~ano estas Ruso Z. Rim. 1 : Oni devas severe eviti la uzon de tiu sufikso post nomoj finigantaj per lando. Rim. 2 : La sufikso UJ estas uzata nur por la landoj de Eŭropo (krom : Irlando, Islando, Finnlando, Holando, Nederlando) k Azio. Tamen apud Egipto B (lando de Egiptanoj) oni trovas ankaŭ la formon Egipt~o Z (lando de Egiptoj).

II° Vortero, kun signifo 1 de la sufikso. ~o. Vazo aŭ kesto aŭ io simila, kiu entenas tuta(j)n objekto(j)n. En~lgi. Meti en ~on.


Ukazo. Dekreto de rusa caro.

\* Ul. 1° Sufikso signifanta vivantan estaĵon karakterizatan per tio, kion esprimas la radikoj : ĝib~o, unuokul~o, virg~ino ; mam~o, vertebr~o ; lim~o, riĉ~o, proksim~o, prav~o Z ; mez~o B (homo de meza klaso k inteligento) ; liam~o ; ĉilie~o Z ; mi estas sciencisto, sed mi ne pretendas esti scienc~o ; mull~infan~ino Z ; la vivo k kompetent~a uzado fiksas formon Z ; la mult~a pacdeziro ; pardoninda jun~a pelolaĵo ; kompari siajn ŝarĝojn kun la ali~aj ; la eklezio sankt~igis lin Z.

II° Samsignifa memstara vortero : dikmalalla ~o Z ; ~aĉo ; fi~o.

Ullano. Germana aŭ pola lancisto.

\* Ulcero. Vundo de histo, kiu ne povas cikatriĝi : ~o de la stomako.

ulekso  G. de legumenacoj, arbusto kun flavaj floroj, kreskanta en seka tero (= dorna genisto) (ulex).

\* Ulmo. Fam. de arboj, kies fibreca, elasta ligno estas uzata por fari objektojn, kies strukturo aŭ uzado postulas fortikecon (ulmus).

\* Ulno. 1 Malnova mezurunuo de longeco : (f) liajn homojn oni ne povas mezuri per la ordinara ~o B ; mezuri ĉion per ~o de racio. 2 Kubutosto.

Ultimato. Definitivaj kondiĉoj de interkonsento, kiujn regno prezentas al alia kun averto, ke ilia malakcepto kaŭzus militon.

ultramaro Z. Lazurblua farbo.